

ԱՐՏԱՇԵՍ III-ԻՆ ՎԵՐԱԳՐՎՈՂ ՆՈՐ ԱՐԾԱԹԵ ԴՐԱՄ
ԼԵՎՈՆ ՍԱՐՅԱՆ (ԱՄՆ)

Մինչև մեր օրերը հասած հին հայկական արտեֆակտների շարքում Հայաստանի արքաների արծաթե և բրոնզե դրամներն ամենակարևորներից են: Դրանք, ինչպես նաև Հայաստանին վերաբերող հռոմեական դրամները, կարող են մեզ օգնել վաղ հայկական արքայատոհմերի լուսաբանման և, երբեմն, պատմական վերակազմության հարցերում: Միջերկրականի կամ Մերձավոր Արևելքի մի շարք երկրներում մեկուսի կամ որպես գանձեր հայտնությունից մի քանի հազար այդպիսի դրամներ պահվում են մասնավոր և թանգարանային հավաքածուներում:

Նկարագրությունը.— Վերջերս հայկական մի նոր արծաթե դրամ է ի հայտ եկել Նյու Յորքի մասնավոր հավաքածուներից մեկում: Դրամը կրում է հայկական թագով արքայի դիմապատկեր և Արտաքսեսես անունը հիշատակող հունարեն գրություն: Այն թողարկված է արծաթից, կշիռը՝ 3.590 գ, տրամագիծը՝ 22 մմ (Բկողմի կնիքի տրամագիծը՝ 19.5 մմ), կնիքների հարաբերությունը՝ 12.00:

Ա. կ ո ղ մ.— Արտաքսեսես արքայի դիմապատկերը դեպի աջ, պսակով շրջանակված: Արքան կրում է թեք կողերով հայկական թագ, հինգ սրագագաթ ելուստներով, գագաթի և կողերի երկայնքով երկու զուգահեռ երիզներով՝ մարգարտաշար կամ թանկարժեք քարերով զարդարված: Թագի կենտրոնում՝ երկու կողմից ալիքաձև ծաղկանախշով շրջապատված ութաթև աստղ: Ոչ ականջակալը և ո՛չ էլ վզկալը չեն երևում: Գլխի հետևում պատկերված են երեք ալիքաձև ծոպեր: Արքան անմորուս է, ականջին կրում է օղ: Զգեստի ծալքերը պարանոցի մոտ ամրացված են ճարմանդով:

Բ կ ո ղ մ.— Սաղավարտակիր անձնավորություն (Աթենա՞սը)՝ վահանով և նիզակն ուսին հենած, դեպի ձախ քայլող: Նիզակը երկու կողմից սրածայր է: Զգեստի քղանցքի ծալքերը ոտնաթաթերի մոտ ընդգծված են: Ներքևից սկսած ժամացույցի սլաքի ուղղությամբ ընթերցվող հունարեն գրություն՝ ΒΑΞΙΛΕΩΞΕΡΤΑΞΕΡΞΕΩΘΕΙΟΥ: Դաշտում, վահանից աջ, հունարեն ΙΔ տառերը (հավանաբար նշանակում են 14 թվականը), ոտքերի տակ բաղադրյալ մենագիր (ըստ երևույթին խորհրդանշում է Արտաշատ քաղաքի փողերանոցը):

Դրամը հատված է լայն հատածուլի վրա և, ուստի, քիչ ավելի բարակ է, քան Արտաշեսյաններին բնորոշները: Պատրաստման տեխնիկական հատկանիշներով դրամն ընդհանուր առմամբ բավական լավն է, բայց իր տիպով այնքան էլ նման չէ մեզ հայտնի որևէ վավերական դրամի:

Մեզ մատչելի այս միակ նմուշը խնամքով ուսումնասիրվել է, որոշելու համար նրա վավերականությունը: Պարզվել է, որ դրամը հատվել է ուշ հելլենիստական դրախմայի կամ հռոմեական դենարի համար հավաստի կշիռ ունեցող հատածուլի վրա՝ փորագրված կնիքներով²: Դրամի եզրերին երեւում են երեք բարակ ճեղքվածքներ, որոնք մատնանշում են, որ այն հատված

¹ S⁶u P. Z. Bedoukian. Coinage of the Artaxiads of Armenia. London, 1978; P. Z. Bedoukian. Coinage of the Armenian Kingdoms of Sophene and Commagene. Los Angeles, 1985; P. Z. Bedoukian. Roman Coins and Medallions Relating to Armenia. Vienna, 1971.

² P. Z. Bedoukian. Coinage of the Artaxiads..., p. 76. Այստեղ տրված են Արտավազդ IV Օգոստոսի (մ. թ. 4—6 թթ.) հայտնի չորս արծաթե դրամների կշիռները՝ 3.53, 3.70, 3.54 և 3.50 գ (միջինը=3.57 գ):

է, այլ ոչ թե ձուլված (կեղծ և հորինված դրամները սովորաբար պատրաստված են լինում ձուլման եղանակով): Դրամի երկու կողմերը ենթարկվել են մաքրման, սակայն ձուլման որևէ վկայություն չի նշմարվում: Արժև նշել, որ բացառությամբ Տիգրան Մեծի դրամների³, Արտաշեսյան թողարկումների կեղծումները հազվագեղ են այն պարզ պատճառով, որ այդ արքայատոհմի դրամներն անձանոթ են կեղծարարներին⁴:

Քիմիական վերլուծությունը ցույց է տալիս, որ դրամը հատված է լին



մետաղից: Մետաղի մակերեսի քիմիական բաղադրությունը որոշվել է X-ճառագայթների էներգիա տարածող սպեկտրալուսաչափական դետեկտորով հազնյված շրջաջող էլեկտրոնային տեսաժրիչ մանրադիտակի օգնությամբ (SEM-EDS)⁵: Զափումները կատարվել են երեք միկրոսկոպիկ տեղանքներում՝ առանց մակերեսի նախապատրաստական մշակման. Ակոզմի դաշտում՝ արքայի քթի դիմաց, Բկոզմում՝ զինյալի սաղավարտից վեր և դրամի վերին մասի եզրին: Ներքևի աղյուսակում ներկայացված վերլուծության արդյունքներն արտացոլում են դրամի երեք տեղանքների շափումների միջինը՝ + — 1 ստանդարտ շեղումով:

Արտախեթեսի դրամայի մակերեսի քիմիական բաղադրությունը

Տոկոսային հաբաբերությունն ըստ կշռի

Արծաթ	92.53 ± 1.17
Պղինձ	4.08 ± 0.41
Ոսկի	0.61 ± 0.53
Կապար	1.56 ± 0.85
Սիլիկոն	0.67 ± 0.70
Այլումին	0.50 ± 0.16
Երկաթ	0.01 ± 0.01
Տիտան	0.04 ± 0.07

³ Y. T. Nercessian. Armenian Coins and Their Values. Los Angeles, 1995, p. 178—182. Թվարկված են Տիգրան Մեծի մի շարք կեղծ դրամները:

⁴ L. A. Saryan. Of Forgeries and Fantasies: Two Controversial Armenian Coins.—Armenian Numismatic Journal, vol. 13, 1987, № 1, p. 2—6; V. Matiossian Who was Zariadres? Some notes on an Artaxiad coin.—Armenian Numismatic Journal, vol. 21, 1995, № 1, p. 17—19.

⁵ SEM-EDS վերլուծությունը կատարվել է մետաղագործ Ռուբրո Ֆ. Դրագենի սիրալիտ աջակցությամբ: Ընթացքը նկարագրված է՝ L. A. Saryan, R. F. Dragen. A Microchemical Investigation of Suspected Plating on Thirteenth-Century Armenian Silver Trams.—Armenian Numismatic Journal, vol. 20, 1994, № 3, p. 53—61.

Պարունակութեան մեջ կապարի և ոսկու ներկայութիւնը՝ յուրաքանչյուրը շուրջ 1 տոկոսի չափով, վկայում է, որ դրամը հատվել է հին մետաղից (այդ բաղադրիչները պետք է որ բացակայեին ժամանակակից զտված արծաթից շինված նոր պատրաստվածքներում)։ Դրամի մակերեսին սիլիկոնի, ալյումինի և տիտանի ներկայութիւնը, հավանաբար, հողի հետ շփման ճանապարհով աննշան կոնտամինացիայի (աղտոտման) հետևանք է։ Մետաղական խառնուրդի բաղադրութիւնը մակերեսին և նրա ներսում կարող է զանազան պատճառներով տարբերվել, բայց այս դեպքում, եթե կա որևէ տարբերութիւն, ապա այն, հավանաբար, աննշան է։

Պատմական և դրամագիտական ակնարկ.— Հին հայկական դրամների մեծ մասը թողարկվել է մ. թ. ա. 189 թ. Արտաշես I-ի հիմնած արքայատոհմի թագապետների կողմից։ Իր գրեթե երկու հարյուրամյա գոյութեան ընթացքում Արտաշեսյան արքայատոհմը հասավ անօրինակ փառքի։ Տիգրան Մեծի օրոք (95—56 մ. թ. ա.) Հայաստանը կարճ ժամանակով դարձավ աշխարհակալութիւն և Տիգրանն ընդունեց «արքայից արքա» տիտղոսը, որը հաճախ յանդիպում ենք նրա արծաթե և բրոնզե դրամների վրա։ Մ. թ. ա. 69 թ., Լուկուլլոսի արշավանքի նախօրյակին, Տիգրանի հսկողութեան ներքո եղած տարածքներն ընդգրկում էին Կովկասյան լեռներից և Կասպից ծովից մինչև Միջերկրականի ափերը՝ այժմյան Լիբանան և Իսրայել։

Հին Հայաստանի դրամագիտական տվյալները շարունակում են հարրատանալ դրամների նորահայտ տարբերակներով և տիպերով։ Ոչ շատ վաղուց՝ 1959 թ., Փարաքարում հնագիտական պեղումների ընթացքում հայտնաբերվեց Արտավազդ II-ի (56—34 մ. թ. ա.) տետրադրախմայի առաջին նմուշը։ Դրանից հետո հայտնաբերվել են Արտավազդի ևս երկու արծաթե տետրադրախմաներ (տարբեր կնիքներով թողարկված)։

Հայաստանի հին դրամները ներկայացնում են հայ արքաների կողմից կրօնը, հստակորեն պատկերված ինքնատիպ խուլյր։ Միրիայի, Եգիպտոսի, Պոնտոսի և Կապադովկիայի արքաները՝ մ. թ. ա. I դարում Հայաստանի արևմտյան հարևանները, իրենց դրամների վրա պատկերվում էին միայն ապարոշի։ Հակառակ դրան, Հայաստանի և Պարթևաստանի արքաներն աչքի են ընկնում իրենց բնորոշ թագով։ Արտաշեսյանների արծաթե և բրոնզե դրամների վրա արքան պատկերված է հայկական խուլյր կոչվող խնամքով մշակված և գրավիչ տեսք ունեցող թագով։ Խուլյր սովորաբար գագաթին ունի հինգ ելուստներ, գլանաձև իրան, ապարոշ՝ գլխի հետևում կապված, ժապավեններով կամ ծոպերով, թագի եզրերը զարդարված են մարգարիտներով կամ թանկարժեք քարերով, իսկ կենտրոնում պատկերված է աստղը։

Հայկական թագը լավագույնս ներկայացված է Տիգրան Մեծի տետրադրախմաների վրա։ Խուլյրի կենտրոնում պատկերված է ութաթև աստղը, որի աչ և ձախ կողմերում կանգնած են երկու արծիվներ՝ թիկունքով դեպի աստղը, բայց գլուխները դեպի այն շրջած։ Աչքի են ընկնում խուլյրի ականջակալը և վզկալը։ Արտավազդ II-ի տետրադրախմաների վրա ականջակալը ծալված է ապարոշի տակ՝ տեսանելի թողնելով աչ ականջը և նրանից կախված օղբ։ Կենտրոնի ութաթև աստղը պահպանված է, բայց արծիվները փոխարինված են ալիքաձև։ գծերով։ Այդ տարբերից մի քանիսը բացակայում են ուշ Արտաշեսյան արքաների դրամների վրա, բայց աստղը միշտ առկա է¹⁰։ Հայկական խուլյ-

6 Խ. Ա. Մ ու շ ե ղ յ ա ն. Արտավազդ II-ի շորբերամյանը.— «Պատմա-բանասիրական հանդես», 1964, 2, էջ 317—323.

7 Y. T. Nercessian. Armenian Coins..., pl. 10, 45.

8 Y. T. Nercessian. The Evolution of the Armenian Tiara.—Armenian Numismatic Journal, vol. 11, 1985, № 1, p. 2—12.

9 Բացառութիւն է կազմում Տիգրան II-ի հազվագյուտ տետրադրախման, որի վրա խուլյրի աստղն ունի ոչ թե ութ, այլ վեց թև։ Տե՛ս L. A. Saryan. Three Unreported Tetradrachms of Tigranes the Great.—Armenian Numismatic Journal, vol. 18, 1992, № 2, p. 37-38.

10 Տե՛ս, օրինակ, Credit Suisse, Auction 4: Important Ancient and Medieval Coins

րերը, որոշ փոփոխություններով, կարելի է տեսնել նաև այդ ժամանակի հայաստանյան իրադարձություններն ակնարկող հռոմեական առանձին դրամների¹¹, ինչպես նաև կոմմադենյան որոշ դրամների վրա՝ այն դեպքերում, երբ արքան ունեցել է հայկական ծագում¹²: Հայկական խուլյրն այնքան ինքնատիպ է, որ որտեղ էլ այն հանդիպի, կարելի է վստահորեն կոահել, որ տվյալ դրամն ինչ-որ կերպ կապվում է հին Հայաստանի հետ:

Այստեղ հրատարակված նոր դրամի խուլյրի ձևավորումը նշանակալիորեն տարբերվում է Տիգրան Մեծի հանրահայտ դրամների հայտնի խուլյրերից: Նաանավորապես, բացակայում են զույգ արծիվները, ականջակալը և վզկալը: Խուլյրն ավելի կոնաձև է, քան Տիգրան II-ինը: Խուլյրեր, որոնց վրա զույգ արծիվները փոխարինված են ալիքաձև բուսական զարդանախշով, կարելի է տեսնել միայն Արտավազդի հազվագյուտ տետրադրամաների վրա: Այս առումով Արտաքսերքսեսի խուլյրն ավելի շատ նմանվում է ուշ Արտաշեսյան դրամների վրա պատկերված խուլյրերին¹³:

Մեծ հետաքրքրություն է առաջացնում այս դրամի գրությունը: Զարմանալի է Արտաքսերքսես թագավորին հիշատակող հունարեն գրության առկայությունը, քանի որ Արտաշեսյան արքայատոհմին պատկանող այդ անունով որևէ արքա մեզ հայտնի չէ: Արքայի Արտաքսերքսես անունը (օգտագործված որպես Արտաքսիասի հունարեն համարժեքը) ճիշտ է հունարեն գրությամբ դրամի համար: Արտաքսիասը և Արտաքսերքսեսը հավանաբար արքայի անվան համարժեք թարգմանություններն են համապատասխանաբար լատիներեն և հունարեն լեզուներով: Հայաստանի և հարակից շրջանների տեղանունների բառարանում նշված է, որ Արտաշատ քաղաքը հունարեն աղբյուրներում երբևէ կոչվել է «Արտաքսերքսոքսիաստ»¹⁴:

Հետաքրքրական է նաև, որ այս դրամի գրությունն ակնարկում է Արտաքսերքսեսի աստվածային բնույթը՝ օգտագործելով հունարեն Θ Ε Ι (Ψ) բառը: Խ. Սուլեյմանը տալիս է հարցի սպառիչ վերլուծությունը¹⁵ և եզրակացնում, որ այս արտասովոր տիտղոսաձևը Հայաստանի կամ հարակից երկրների նույն ժամանակի դրամների վրա չի հանդիպում, բացառությամբ Արտավազդ II-ի տետրադրամային Շրջանաձև գրության կիրառումը ևս արժանի է ուշադրության, քանի որ այն հազվադեպ է հանդիպում Արտաշեսյան դրամների վրա: Ի հայտ է գալիս միայն Արտավազդ IV 10գոստոսի (մ. թ. 4—6 թթ.) և Տիգրան V՝ էրատոյի (մ. թ. 6 թ.) ժամանակներում¹⁶:

Including an Armenian and Judaeon Collectipn, Bern (December 1985), p. 105. Այս աճուրդից հայտնի երկու լավ պահպանված դրամները թույլ են տալիս որոշ դատողություններ անել ուշ Արտաշեսյան արքաների խուլյրի վերաբերյալ: № 667-ը Տիգրան III-ի (մ. թ. ա. 20—8 թթ.) 5.33 գ կշռով բրոնզե դրամ է, որի վրա արքան պատկերված է բարձր, թևք կողեր ունեցող խուլյրով, որի անվազն մեկ կողմը զարդարված է մարգարիտներով կամ թանկարժեք քարերով, իսկ կենտրոնում տեղադրված է տասաթև աստղ՝ առանց արծիվների կամ բուսական զարդանախշերի (տե՛ս նաև P. Z. Bedoukian. An Unpublished Coin of Tigranes III (20—8 B. C.—Armenian Numismatic Journal, vol. 13, 1987, № 2, p. 12—13): № 668-ը Տիգրան IV-ի (մ. թ. ա. 8—5 թթ.) 4.83 գ կշռով բրոնզե դրամ է, որի վրա պատկերված թավ մորուքով արքան կրում է ականջակալ ունեցող ավելի գլանաձև տեսքի խուլյր: Վերջինիս եզրերը զարդարված են մարգարիտներով կամ թանկարժեք քարերով, ունի հստակ տեսանելի կենտրոնական ութաթև աստղ՝ առանց արծիվների կամ բուսական զարդանախշի:

11 P. Z. Bedoukian. Roman Coins..., № 5, 6, 11—18 դրամները:

12 Y. T. Necessian. Armenian Coins... № 229—231, 236, 244 դրամները:

13 Տե՛ս ծան. 10:

14 Թ. Խ. Հակոբյան, Ս. Տ. Մելիք-Քախչյան, Հ. Խ. Բարսեղյան, Հայաստանի և հարակից շրջանների տեղանունների բառարան. 1, Երևան, 1986, էջ 493, 501: Քաղաքի այս անվանումը, հավանաբար, հազվադեպ է օգտագործվել:

15 Խ. Ա. Մուշեղյան. նշվ. աշխ., էջ 320—321:

16 P. Z. Bedoukian. Coinage of the Artaxiads..., № 163—167 դրամները: Y. T. Necessian. Armenian Coins..., № 180—184 դրամները:

Այս դրամի լրիվ գնահատականի համար շատ կարևոր է նաև նրա վրա պատկերված մենագիրը: Անձնավորության ոտքերի տակ տեղադրված բազմազան մենագիրը ճշտորեն համապատասխանում է առաջին անգամ շուրջ 191 թ. հրատարակված, Արտաշատին վերագրվող չափազանց հազվագյուտ բրոնզե դրամների մենագրին¹⁷: Այն տրոհելով, կարելի է կարգալ որպես դրամը թողարկած քաղաքի՝ Արտաշատի անունը: Հունարեն A, P և T տառերի տարրերը պարզորեն տեսանելի են:

Բկողմի դաշտում, անձնավորությունից դեպի աջ երևացող երկու տառերը կարելի է ընթերցել որպես 14 թվանշան: Այն կարող է նշանակել աքթբայի կառավարման տարեթիվը, որի ընթացքում թողարկվել է դրամը:

Դրամի Բկողմում առկա որոշ պատկերագրական տարրեր, ինչպիսիք են նիզակը և սաղավարտը, հայտնի են նույն ժամանակի հռոմեա-հայկական գրամներից: Այդուհանդերձ, երկու կողմից սուր այս նիզակի վերին ծայրը տարօրինակ տեսք ունի և կարծես վերափոխված է. նույնպես և անձնավորության՝ դեմքը, որը բավական անբնական է թվում: Այս անկանոնությունները կարող են լինել ավելի ուշ աղավաղումների կամ փորագրիչի վարպետության պակասի հետևանք:

Մինչ այժմ պաշտոնական պեղումների ընթացքում նման դրամներ չեն հայտնաբերվել: Այսպիսի դրամի հայտնաբերման տրամաբանական վայրը հին Արտաշատն է: Երկար տարիներ Արտաշատում կատարվել են հնագիտական պեղումներ և հետազոտություններ, բայց մինչ օրս պեղվել է հին հայկական սայրաքաղաքի տարածքի միայն շուրջ 10 տոկոսը¹⁸: Արտաշատում արձանագրվել են մի շարք կարևոր դրամագիտական գյուտեր, ներառյալ Տիգրան Մեծի արծաթե դրամների գանձը¹⁹: Ուստի կարելի է հուսալ, որ սպազա պեղումները կբացահայտեն նոր դրամագիտական գանձեր:

Դրամի վերագրումը Արտաշես III-ին.—Ոճական առումով, այս դրամը վերաբերում է մ. թ. ա. I դարի վերջին կամ մ. թ. I դարի սկզբին, այսինքն՝ Հայաստանում Արտաշեսյան արքայատոհմի անկումից մինչև Արշակունյաց արքայատոհմի իշխանության գալու ժամանակահատվածին: Պետք է ենթադրել, որ այն կարող է պատկանել կամ Արտաշես I-ին (189—160 մ. թ. ա.), կամ Արտաշես II-ին (30—20 մ. թ. ա.) և կամ Արտաշես III-ին (18—34 մ. թ.):

Արտաշես I-ը, արքայատոհմի հիմնադիրը, առասպելական քաջությունը և զորության օժտված արքա էր: Չնայած Մովսես Խորենացու վկայությանը, թե Արտաշեսը դրամներ է թողարկել իր պատկերով²⁰, մինչև հիմա չկան դրամներ, որոնք կարելի լինի վստահորեն վերագրել նրան: Սահմանափակների վրա հանդիպող Արտաշես I-ի արձանագրություններն արամերեն են, և ոչ հունարեն²¹: Հավանական չի թվում, թե այս դրամը կարելի է վերագրել: Արտաշես I-ին:

17 P. Z. Bedoukian. Roman Coins..., էջ 191—194: Հետևելով ֆրանսիացի անվանի դրամագետ Էնստ Բաբելոնի ենթադրությանը, այս դրամները ավանդաբար վերագրվել են Կոնստանտին իշխանության տարիներին (մ. թ. II դ. վերջ): Վերջերս կատարված ուսումնասիրություններն այս դրամները տեղադրում են ավելի վաղ. տե՛ս M. L. Chaumont. A propos d'une ere d'Artaxata, Capitale de la Grande Arménie.—Revue des Etudes Arméniennes, vol. 18, 1984, p. 397—409. և P. E. В арданян. К вопросу о датировке двух групп армянских монет эллинистической эпохи.— «Պատմա-բանասիրական հանդես», 1987, № 2, էջ 195—207:

18 Այս տեղեկության համար ես պարտական եմ պրոֆ. Գրիգոր Արեշյանին:

19 Խ. Ա. Մուշեղյան. Արտաշատի հայկական գանձը.—Armenian Numismatic Journal, vol. 4, 1980, p. 105—124.

20 Movses Khorenats'i. History of the Armenians, translated by R. W. Thomson, Cambridge, 1978, p. 147. Արտաշես I-ի գործունեությունը քննարկված է՝ Հայկական սովետական հանրագիտարան. հ. 2, Երևան, 1976, էջ 139: Հայ ժողովրդի պատմություն. հ. 1, Երևան, 1971, էջ 521—551 և հտ.:

21 Արտաշես I-ի սահմանափակների մասին տե՛ս Հայ ժողովրդի պատմություն. հ. 1, էջ

Արտաշես II-ը (30—20 մ. թ. ա.) Արտավազգ II-ի միակ որդին էր, որը փրկվեց գերեվարությունից. նա ապաստան գտավ Պարթևաստանում և ապա թագավոր կարգվեց հայ ավագանու կողմից: Որպես Հռոմի երդվյալ թշնամի, նա իր եռանդի մեծ մասը նվիրեց Հայաստանը կրկին ռազմական հենակետ դարձնել ցանկացող Հռոմի ջանքերին դիմագրավելուն²², Քննարկվող դրամի որոշ տարրեր, մասնավորապես խուլրի զարդարանքը և արքայի աստվածային լնուլթն ակնարկող գրությունն ձևը, կարող են նշանակել, որ դրամը թողարկված է Արտավազգ II-ի հաջորդների կողմից: Այնուամենայնիվ, Արտաշես II-ին վերագրվող արծաթե դրամներ հայտնի չեն, իսկ նրա բրոնզե դրամները շփարձանց հազվագյուտ են և կարելի է անգամ ավելացնել՝ վիճելի²³: Չկան բավարար շփով տվյալներ այդ ժամանակվա մասին, որպեսզի հնարավոր լինի համեմատել քննության առարկա դրամն այս արքայի հայտնի դրամների հետ:

Փաստերի գերակշռությունը հուշում է խնդրո առարկա դրամը Հայաստանում մ. թ. 18—34 թթ. իշխած Արտաշես III-ին (Ջենոնին) վերագրելու: Ընարվորությունը²⁴, Արտաշես III-ի գահակալման տարիներն ընկնում են Արտաշեսյանների անկման (մ. թ. 6 թ.) և Հայաստանում Արշակունիների իշխանությունից զալու (մ. թ. 53 թ.) ժամանակահատվածի մեջ, որի ընթացքում Հայաստանում իշխում էին իրար հաջորդաբար փոխարինող օտար կառավարողները:

Մ. թ. 18 թ. ակնավոր դորավար և հմուտ դիվանագետ Գերմանիկոսը Հռոմից ուղարկվում է Հայաստան՝ լուծելու համար հայկական գահի ժառանգորդության հարցը: Գերմանիկոսն արդեն Հռոմին էր միացրել Կապադովկիան, Կոմմագենեն և այլ փոքր թագավորություններ ու ցանկանում էր պահպանել Հայաստանի շեղոք կարգավիճակը: Գերմանիկոսը և Հռոմը շահագրգռված էին ընտրել այնպիսի մի թեկնածուի, որն ընդունելի լիներ ժողովրդի կողմից և, միևնույն ժամանակ, շտապացներ պարթևների թշնամական վերաբերմունքը: Գերմանիկոսի ընտրությունը կանգ առավ Ջենոնի՝ Պոնտոսի արքա Պոլեմոնի և Պյութոգորիսի որդու վրա, որի թեկնածությունը հայերի կողմից հավանություն արժանացավ, քանի որ Ջենոնը մեծացել էր իրենց միջավայրում և ընդունել տեղական սովորությունները: Գերմանիկոսը Ջենոնին մեծ հանդիսավորությամբ թագադրեց Արտաշատ քաղաքում, նրան վերանվանելով Արտաշես (III)՝ բարձրացնելու համար նրա հեղինակությունը որպես մեծն Արտաշես I-ի գահի ժառանգորդ²⁵, Արտաշեսն իշխեց խաղաղությամբ մինչև իր բնական մահը (34 թ.):

Ը. Պտուկյանը գրում է, որ Արտաշես III-ը, որը թագավորել է 16 տարի, պետք է որ թողած լիներ բազմաթիվ դրամներ, Սակայն, մեզ հայտնի են միայն Գերմանիկոսի կողմից Արտաշեսի թագադրումը հիշատակող եզակի պատկերատիպով մի քանի շատ հազվագյուտ արծաթե դրամներ և դիդրախաներ: Որոշ հետազոտողներ կարծում են, որ այս դրամները թողարկվել են Հայաստանում և ժամանակակից են այդ իրադարձությանը, մյուսները

527—528 և Movses Khorenats'i. History of the Armenians, translated by R. W. Thomson. Cambridge. 1978, p. 198—199.

²² Արտաշես II-ի պատմությունը տրված է՝ Հայկական սովետական հանրագիտարան. հ. 2, էջ 139—140 և Հայ ժողովրդի պատմություն. հ. 1, էջ 626—631:

²³ Արտաշես II-ի դրամների մասին տե՛ս Y. T. Necessian. Armenian Coins..., p. 77.

²⁴ Արտաշես III-ի պատմությունը տրված է՝ P. Z. Bedoukian. Roman Coins..., p. 24—29. Տե՛ս նաև Հայկական սովետական հանրագիտարան. հ. 3, Երևան, 1977, էջ 686 և Հայ ժողովրդի պատմություն. հ. 1, էջ 712—713:

²⁵ Հստ հոսմեացի հեղինակ Տակիտոսի, Ջենոն վերանվանվել է Արտաշես, որովհետև թագադրվել է Արտաշատում, Ը. Պտուկյանը (P. Z. Bedoukian. Roman Coins..., p. 24—25) այս երկրորդ բացատրությունը պակաս հավանական է համարում:

պնդում են, թե դրանք թողարկվել են ավելի ուշ, Կապադոկիայում²⁶: Դրամները կրում են լատիներեն գրություններ և պատկանում են Արտաշեսի գլխին բարձր թագ դնող Գերմանիկոսին²⁷: Գերմանիկոսի ձեռքին կա նիզակ, իսկ դրախտայի վրա (յայց ոչ՝ դիդրախմայի) թվում է, թե կրում է նաև սաղավարտ: Քանի որ Արտաշեսը ձգտում էր Արտաշեսյան արքայատոհմի հեղինակության և փառքի վերականգնմանը, ապա պարզ է, որ նա պետք է Արտաշեսյան թագ կրեր: Սրանք են այս նոր դրամի և հայտնի թողարկումների միջև առկա նմանությունների ընդհանուր եզրերը²⁸:

Հողվածում նկարագրված դրամը փորձել ենք վերագրել Արտաշես III-ին: Այն կարող է թողարկված լինել Արտաշեսի գահակալման տասնչորսերորդ տարում (մ. թ. 32 թ.), Արտաշատի փողերանոցում: Հուսանք, որ նոր նմուշների հայտնաբերումը հնագիտական վստահելի ենթատեքստում մեզ հնարավորություն կտա հաստատելու այս ենթադրությունը:

НОВАЯ СЕРЕБРЯНАЯ МОНЕТА, ПРИПИСЫВАЕМАЯ АРТАШЕСУ III

ЛЕВОН САРЬЯН (США)

Резюме

В статье рассматривается новая армянская монета, обнаруженная недавно в одной из частных коллекций Нью-Йорка. На первой стороне—изображение царя в армянской короне. На второй стороне изображена фигура в шлеме, со щитом и копьями на плече, шагающая влево. Она окаймлена греческой надписью с упоминанием имени Артаксеркс. Монета отлита из серебра, весом 3590 г. диаметром—22 мм, соотношение печатей—12.00. Монета отчеканена на широком монетном кружке, и следовательно она несколько тоньше, чем монеты, типичные для Арташесидов. Она по своему типу не совсем похожа на какую-либо известную нам подлинную монету. Она отчеканена на имеющем определенный вес и выгравированные печати монетном кружке, предназначенном для позднеэллинистических драхм или римских динар. Химический анализ показывает, что металл монеты древний. Тиара царя существенно отличается от изображаемых на широкоизвестных монетах Тиграна Великого. В частности, отсутствует пара орлов, паушник и ошейник. Она более похожа на тиары, изображенные на позднеарташесидских монетах. Большой интерес представляет легенда монеты, где имя царя упоминается как Артаксеркс, что по всей вероятности, идентично греческому эквиваленту латинского Артаксиарса. В легенде намекается на божественную сущность Ар-

²⁶ Զ. Պտուկյանը (P. Z. Bedoukian. Roman Coins..., p. 27—28) համոզիչ փաստարկներ է բերում այն մասին, որ վերոհիշյալ դրամներն ավելի շուտ թողարկվել են Հայաստանում շուրջ մ. թ. 18 թ., այլ ոչ թե Արտաշես III-ի մահից հետո, ինչպես ենթադրել են Մաթինգլին և Սիգենհամը: Այդ դրամների նկարագրությունը կարելի է գտնել՝ P. Z. Bedoukian. Roman Coins..., p. 25—27 և Y. T. Nercessian. Armenian Coins..., p. 88. տե՛ս նաև H. A. Seab. Roman Silver Coins, vol. 2, London, 1979, p. 3—4 և S. W. Stevens on. A Dictionary of Roman Coins, London, 1964, p. 690.

²⁷ Ben L. Damsky. The Stadium Aureus of Septimius Severus—American Journal of Numismatics, vol. 2, 1990, p. 77—105; մասնավորապես էջ 97—98-ում նշում է, որ այս երկու դրամները հանդիսանում են թագադրություն պատկերող առաջին հռոմեական դրամները, և որ՝ ներկայացնելով թագադրության այդ տեսարանը, Գերմանիկոսը ցանկացել է ցուցադրել շոտի գերիշխանությունը:

²⁸ Հայաստանն ակնարկող որոշ հռոմեական դրամների վրա պատկերված են նման սաղավարտներ. P. Z. Bedoukian. Roman Coins..., p. 54—56 (դրամներ՝ համար 18—19):

таксеркса греческим словом, которое встречается только на тетрадрахмах Артавазда II. Под ногами фигуры помещена вязь монограммы, которая в точности соответствует монограммам на редких бронзовых монетах, приписываемых Арташату. Ее расшифровка дает возможность прочесть название города Арташата, где чеканилась монета. Греческие буквы, просматриваемые на второй стороне монеты, можно прочесть как число 14. Это, вероятно, год правления царя, при котором была выпущена монета. До сих пор при официальных раскопках подобные монеты не были обнаружены. Стилистически эта монета относится к концу I в. до н. э. или началу I в. н. э., то есть, к периоду от падения династии Арташесидов до прихода к власти династии Аршакидов. Обилие фактов допускает возможность отнести исследуемую монету к Арташесу III (Зенону), правившему в Армении в 18—34 гг. I в. Она могла быть отлита в 32 г. на монетном дворе Арташата.